



Broj: 09-31-1618/24

Datum: 18.10.2024. godine

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj: 39/14 i 59/22), člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, d o n o s i s e

O D L U K A **o izboru najpovoljnijeg ponuđača**

I

Za najpovoljnijeg ponuđača za javnu nabavku radova: „Izrada i montaža platforme i rampe za invalidna lica“, po provedenom otvorenom postupku javne nabavke izabran je sljedeći ponuđač:

LIFTMONT d.o.o. Sarajevo
sa ukupnom cijenom od 31.900,00 KM

(slovima: tridesetjednahiljadadevetstotina konvertibilnihmaraka) bez uračunatog PDV-a, odnosno 37.323,00 KM (slovima: tridesetsedamhiljadatristotinedvadesetri konvertibilnihmaraka) sa uračunatim PDV-om i 8,86% popusta.

II

Za izvršenje ove Odluke zadužuje se Služba za boračko-invalidsku i socijalnu zaštitu Općine Vogošća.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Vogošća, Ul. Jošanička 80., 71320 Vogošća ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav a) do d) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača, s tim da datum izdavanja dokumenata ne smije biti nakon datuma podnošenja ponude.

IV

Odluka o izboru najpovoljnijeg ponuđača objavit će se na web stranici www.vogosca.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke Općinskog načelnika broj: 09-31-1618/24 od 16.09.2024. godine.

Procijenjena vrijednost javne nabavke bez uračunatog PDV-a je: 35.000,00 KM (slovima: tridesetpethiljada konvertibilnihmaraka).

Obavještenje o javnoj nabavci broj: 1353-1-3-207-3-151/24 od 18.09.2024. godine, poslano je na objavu na Portal javnih nabavki.

Komisija za javnu nabavku roba, usluga i radova imenovana je Rješenjem Općinskog načelnika broj: 02-04-2301/24 od 27.12.2023. godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda Komisije za javnu nabavku je vidljivo da su dana 14.10.2024. godine, pristigle ponude slijedećih ponuđača:

Redni broj	Naziv i sjedište ponuđača
1.	ORTOPEDIJA INTERNATIONAL d.o.o. Sarajevo
2.	LIFTMONT d.o.o. Sarajevo

Iz Zapisnika o pregledu i ocjeni ponuda Komisije za javnu nabavku roba, usluga i radova je vidljivo da se Komisija sastala dana 14.10.2024. godine u 17⁰⁰ sati, radi pregleda i ocjene pristiglih ponuda, te je Komisija konstatovala da su ponuda ponuđača: ORTOPEDIJA INTERNATIONAL d.o.o. Sarajevo i LIFTMONT d.o.o. Sarajevo pravilne jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, te tehničke i profesionalne sposobnosti) zahtjevane u tenderskoj dokumentaciji.

Kriterij za dodjelu ugovora je najniža cijena.

Rangiranje prihvatljivih ponuda prema kriteriju za izbor ponude:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	ORTOPEDIJA INTERNATIONAL d.o.o. Sarajevo	35.000,00	/	35.000,00
2	LIFTMONT d.o.o. Sarajevo	35.000,00	/	35.000,00

Ne postoji sumnja u ne prirodno nisku cijenu najpovoljnije ponude.

Ponude ponuđača: ORTOPEDIJA INTERNATIONAL d.o.o. Sarajevo i LIFTMONT d.o.o. Sarajevo su unesene u sistem e-nabavki i zakazana je e-aukcija, koja je održana dana 17.10.2024. godine s početkom u 09⁰⁰ sati, i koja je trajala 18 (slovima: osamnaest) minuta.

Ugovorni organ je od Agencije za javne nabavke zaprimio Izvještaj o uspješno održanoj e-aukciji, koju dostavljamo u prilogu i shodno kojom je ponuđač LIFTMONT d.o.o. Sarajevo ponudio najnižu cijenu koja iznosi: 31.900,00 KM (slovima: tridesetjednahiljadadevetstotina konvertibilnihmaraka) bez uračunatog PDV-a i sa popustom od 8,86%.

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Redni br. na rang listi	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	Procentualno umanjenje cijene nakon provedene e-aukcije
1.	LIFTMONT d.o.o. Sarajevo	31.900,00	8,86%
2.	ORTOPEDIJA INTERNATIONAL d.o.o. Sarajevo	31.999,99	8,57%

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača LIFTMONT d.o.o. Sarajevo, čija ponuda je ocijenjena kao najpovoljnija, na osnovu kriterija „najniža cijena“, u ukupnom iznosu ponude od 31.900,00 KM (slovima: tridesetjednahiljadadevetstotina konvertibilnihmaraka) bez uračunatog PDV-a, odnosno 37.323,00 KM (slovima: tridesetsedamhiljadatristotinedvadesettri konvertibilnihmaraka) sa uračunatim PDV-om i 8,86% popusta te da se ponuđaču LIFTMONT d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o izboru najpovoljnijeg ponuđača donesena jednoglasno, u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka. Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.



Izradila: Jasna Salihović

Jasna Salihović

Kontrolisala: Melisa Kršo

Melisa Kršo

DOSTAVITI:

- LIFTMONT d.o.o. Sarajevo
- ORTOPEDIJA INTERNATIONAL d.o.o. Sarajevo
- Nadležnoj Službi
- a/a